


公主府志

上冊

1. 1. 1. 1. 1.

公主府世系表



世系表

文睿華撰

<p>姓</p>	<p>祖 二</p>	<p>世</p>
<p>迪延車臣汗為元太祖成吉思汗十五世孫生於明天順八年薨於嘉靖二十二年享壽八十</p>	<p>格特森札為迪延車臣汗之五子生於明弘治七年薨於隆慶三年享壽七十</p>	<p>諾諾和多爾濟為格特森札之三子生於明正德八年薨於萬曆十二年享壽七十二</p>
<p>阿巴岱多爾濟為諾諾和多爾濟之長子生於明嘉靖二十二年</p>	<p>額列克多爾濟為阿巴岱多爾濟之長子生於明隆慶五年薨於崇禎十一年享壽六十八</p>	<p>袞布多爾濟為額列克多爾濟之長子生於明萬曆二十八年薨於清康熙七年享壽六十九</p>

四


世

五

世

六

世



<p>七世</p>	<p>察輝多尔济為衮布多尔济之 子生於明崇祿十一年薨於清康 熙三十八年享壽六十二</p>	<p>八世</p>	<p>葛勒旦多尔济為察輝多尔 濟之長子生於清順治十四年薨 於康熙三十一年享壽三十六</p>	<p>九世</p>	<p>博多布多尔济為葛勒旦多尔 濟之長子生於清康熙十五年薨 於乾隆八年享壽六十八</p>
<p>十世</p>	<p>根札布多尔济為博多布 多尔济之長子生於清康 熙五十八年薨於乾隆二十五 年享壽六十六</p>	<p>十一世</p>	<p>倉達布多尔济為根札布 多尔济之長子</p>	<p>十二世</p>	<p>齊木多尔济為倉達布多 尔济之長子 (子出家)</p>
					<p>刺麻札布為倉達布多尔 济之三子</p>

倉吉札布為倉達布多尔濟之四子	全札布為倉達布多尔濟之五子	根敦札布為倉達布多尔濟之六子	查達本多尔濟為倉達布多尔濟	之七子	車布登多尔濟為根札布多尔	濟之次子生於清康熙五十年薨	於乾隆三十九年享壽五十六	根登多尔濟為根札布多尔	濟之三子
					遜都布多尔濟為車布登多尔	濟之子生於清乾隆三年薨	於五十六年享壽五十四	策望多尔濟為根登多尔濟	之長子



官策克札布為根登多尔  
濟之次子

(三子出家)

達木凹克札布為根登  
多尔濟之四子

慶速運札布為根登多  
尔濟之五子

塔西札布為根登多尔  
濟之六子

策克多尔札布為根登  
多尔濟之七子

札木森格札布為根登  
多尔濟之八子無嗣

貢卜多尔濟為根扎布  
多尔濟之五子

察布干多尔濟為根扎  
布多尔濟之六子

查嘎多尔濟為貢卜多  
尔濟之長子

(次子出家)

依西多尔濟為貢卜多  
尔濟之三子無嗣

鴻格勒多尔濟為貢卜  
多尔濟之四子無嗣

羅布桑多尔濟為察布  
干多尔濟之長子

阿達布多尔濟為察布

干多尔濟之次子

<p>哈達龍多尔濟為齊木多 尔濟之三子無嗣</p>	<p>拉囉多尔濟為齊木多 尔濟之次子無嗣</p>	<p>那木吉多尔濟為齊木 多尔濟之次子無嗣</p>	<p>十 三 世</p>			
<p>吉多尔濟之子 札木布多尔濟為那木 吉多尔濟之子</p>			<p>十 四 世</p>	<p>察渥多尔濟為根札布 多尔濟之八子</p>		<p>察丹多尔濟為根札布 多尔濟之七子</p>
<p>寶音為札木布多尔濟 之子</p>			<p>十 五 世</p>	<p>林達多尔濟為察渥多 尔濟之子</p>	<p>達格達多尔濟為察 丹多尔濟之次子無嗣</p>	<p>多尔格多尔濟為察丹 多尔濟之長子</p>

拉扎布多尔济為齊木多  
尔济之四子無嗣

巴音珠多尔济為齊木多  
尔济之五子

敏達勒格多尔济為刺  
麻扎布之子

巴勒旦多尔济為倉頡  
札布之長子

吉穆多尔济為巴音珠  
多尔济之子無嗣

丹津多尔济為敏達  
勒格多尔济之子無嗣

班丕勒為巴勒旦多尔  
济之長子

班丕勒為巴勒旦多尔  
济之次子

班丕勒為巴勒旦多尔  
济之三子無嗣

烏勒圖納生為班丕勒  
之子

烏勒圖多尔济為班丕  
勒之子

	<p>札木察格多尔濟為倉 胡札布之次子</p>	<p>汪沁多尔濟為倉胡札 布之三子無嗣</p>	<p>青布拉多尔濟為倉札 布之長子</p>	
<p>依勒更為已勒旦多尔濟 之四子殘遺格殺嗣孫有子</p>	<p>依阿登木多尔濟為札 木察格多尔濟之子無嗣</p>		<p>桑木騰多尔濟為青 布拉多尔濟之長子</p>	<p>寗布多尔濟為青布拉 多尔濟之次子無嗣</p>
			<p>溫德蘇為桑木騰多 尔濟之長子</p>	<p>拜依計虎為桑木騰多 尔濟之次子</p>

<p>根車克多尔濟為全札布 之次子</p>	<p>察伯拉多尔濟為車根克 多尔濟之子無嗣</p>	<p>察布多尔濟為全札布之 三子</p>	<p>尼瑪多尔濟為察布多 尔濟之子無嗣</p>	<p>農壽多尔濟為全札布之 四子無嗣</p>	<p>那尔布多尔濟為根敦北 布之長子無嗣</p>	<p>倉布多尔濟為根敦札布 之次子無嗣</p>	<p>尼布多尔濟為遜都布多尔濟 之長子生於清乾隆二十四年 薨於嘉慶二年享壽四十四</p>	<p>德穆楚克多尔濟為尼布多尔 濟之長子生於清嘉慶十六年 薨於同治七年享壽五十八</p>	<p>那森多尔濟為德穆楚克 多尔濟之子生於清道光九年 薨於光緒十年享壽六十三</p>
---------------------------	-------------------------------	--------------------------	-----------------------------	----------------------------	------------------------------	-----------------------------	--	--	--

	汪慶多尔濟為遜都布多 尔濟之次子	七生札布為策望多尔濟之 長子	老不生札布為策望多尔 濟之次子無嗣	青札布為策望多尔濟 之三子無嗣
德力格多尔濟為厄布多尔 濟之次子北駐庫倫	德力多尔濟為汪慶多尔 濟之子北駐庫倫	察克圖為七生札布之長子 北駐庫倫	七力格圖為七生札布之次 子北駐庫倫	

察格旦為策望多爾濟之四子出家無嗣

七力格多爾濟為囊策克札布之長子無嗣

色楞敦多布為官策克札布之次子無嗣

雲登多爾濟為達木曲克札布之子無嗣

訖師多爾濟為慶遠運札布之子無嗣

塔多爾濟為塔西札布之子無嗣



察格丹札布為查嘎多尔濟之長子

阿拉特納多尔濟為察格丹札布之子

僧丕力多尔濟為阿拉特納多尔濟之子

察札布為查嘎多尔濟之次子無嗣

永昌多尔濟為羅布桑多尔濟之長子

已依力圖為永昌多尔濟之子

札布為羅布桑多尔濟之次子無嗣

班楚克多尔濟為羅布桑多尔濟之三子無嗣

敦古爾札布為羅布桑多尔濟之四子無嗣

巴圖為阿達布多爾濟子

德瑪為巴圖之子世悍因  
格散依勒更被逐出籍

元尼模札布為多爾格多  
爾濟之子

鄂氣勒多爾濟為元尼模  
札布之長子

諾生多爾濟為鄂氣勒  
多爾濟之子

贊巴多爾濟為林達多爾  
濟之子

阿魯特賀泰為贊巴多爾  
濟之子一名佛結先

都圖多札布為阿魯特賀  
泰之子一名佛瑞

十六世

十七世

十八世

薩林太為寶音之子

青格勒札布為烏勒圖納  
生之子一名善根爾

阿瑪爾博音為月索圖多  
爾濟之子

補音德勒格為溫德蘇  
之子

吉林泰為拜依計虎之  
子

綽楚克多爾濟為耶森  
多爾濟之子

納亞博音為借丕力多  
爾濟之子

楊登多尔濟為諾生多尔濟之長子一名聖山

力格登多尔濟為諾生多尔濟之次子一名華山

富山為諾生多尔濟之三子

賁山為諾生多尔濟之四子

佛慧山為都固尔札布之嗣子

世系簡表

一世

迎延卓巨汗

二世

格埒森札

三世

諾諾和多爾濟

四世

阿巴岱多爾濟

五世

額列克多爾濟

六世

袁布多爾濟

七世

桑珠多爾濟

八世


葛勒旦多爾濟

九世

博多布多爾濟

十世

袁布多爾濟



十一世

十二世

十三世

十四世

十四世下五世

十五世

齊木多尔濟

哈達龍多尔濟 無嗣

拉懺多尔濟 無嗣

耶木吉多尔濟 — 札布布多尔濟 — 寶音 — 薩林太

拉札布多尔濟 無嗣

巴音珠尔多尔濟 — 吉穆多尔濟 無嗣

刺麻札布 — 俄達勒格多尔濟 — 丹津多尔濟 無嗣

班丕勒 — 烏力圖納生 — 青格勒札布

班不勒 — 月蒙圖多尔濟 — 阿瑪尔博音

倉達布多尔濟

倉頤札布

倉札布

巴勒且多尔濟 巴達尔 無嗣

依勒更——

有子嗣子

札木察格多尔濟 依阿登木多尔濟 無嗣

江慶多尔濟 無嗣

青布拉多尔濟

華木騰多尔濟

温德蘇—— 補音德力格

拜依虎—— 吉林泰

算布多尔濟 無嗣

根卓克多尔濟 察伯拉多尔濟 無嗣

察布多尔濟 尼瑪多尔濟 無嗣

農葉多尔濟 無嗣



耶尔布多尔济 無嗣

根敦札布

倉布多尔济 無嗣

查達木多尔济 無嗣

德穆楚克多尔济 — 那森多尔济 — 綽楚克多尔济

尼布多尔济

德力格尔多尔济 北歸

卓布登多尔济 — 遊都布多尔济

汪慶多尔济 — 德勒多尔济 北歸

察克圖 北歸

七生札布

七力格圖 北歸

察望多尔济

老不生札布 無嗣

青札布 無嗣

察格旦 出家

官察克札布

七刀格多尔济 無嗣

色楞敦多布 無嗣

拉望札布

出家

達木曲克札布 | 雲登多尔济 無嗣

慶達運札布 | 節多尔济 無嗣

根登多尔济 塔西札布 | 塔多尔济 無嗣

喇嘛

策克多尔札布

布多尔济 無嗣

札木森格札布 無嗣

貢布多尔濟

查嘎多尔濟

察札布 無嗣

騰格什札布—阿拉特納多尔濟—僧五力多尔濟—納五博吉

依西多尔濟 無嗣

鴻格勒多尔濟 無嗣

永昌多尔濟—巴依力圖 無嗣

札布 無嗣

羅布森多尔濟

班楚克多尔濟 無嗣

敦古尔札布 無嗣

察布多尔濟

阿達布多尔濟—巴圖—德瑪—  
(有子出嗣)

楊登多尔濟

察丹多尔济

多尔格多尔济 | 克尼模札布

鄂尔勒多尔济 | 诺生多尔济

鄂勒德尼多尔济 無嗣

力格登多尔济


佛富山

佛賁山

達格達多尔济 無嗣

察渥多尔济 | 林達多尔济 | 贊巴多尔济 | 阿魯特賀泰 | 額固各札布 | 佛慧山 嗣子


公主府公主編



公主篇

古之人或有發跡於幽遐者或有樹聲於荒遠者不惟其地其材有可記者紀之而已苟厥匹夫匹婦有決於義行者亦必書而錄焉此史籍之所以書名列傳流芳後世者也盛清之初嘗以三世公主下嫁土謝圖汗而公主之言行事跡不無可紀述者且以府人後裔對於先人公主之芳勲偉績必有專篇紀載始克追宗遺風其德故本志之所以另立編目者義在斯也

案公主府人初為外蒙古喀爾喀部土謝圖汗之後裔嘗三尚清室公  
然立而三世額駙詳見於世皇沿革編內惟滿清聖祖皇帝因以婚姻政  
策擁絡蒙古嘗謂蒙古之於清室不啻漠北一座長城云尔以北觀之





清室使用和親手段締繫外蒙國為躊躇滿志一舉數也惟厥三代公主除最末一世係為親王之女應稱之為郡主外前此二代公主皆為皇帝之親女耳季清之際所有各種野鈔雜誌對於三代公主事跡絕少紀載惟朔平府志略有述及第以所述與事實不符故亦不能依為根據民國以後鄭裕孚及樊庫等編修歸綏縣志及綏遠各縣調查概要延引據朔平府志敘述公主府事嗣至民國二十年後郭弄卿先生等編修綏遠通志復據以上三志乃列公主府於故宮篇內一錯再錯以致公主府之真象實蹟世人莫能明晰而各志所誌不僅恃地有所闕畧而於三代公主暨額駙之名諱實跡亦多訛書錯記此本志所應訂正者也三代額駙詳見本志世系沿革編第八第九第十各條

靜真公主

公主府之第一次娶公主者為外蒙喀爾喀部土謝圖汗第八世札薩克  
葛勒旦多爾濟也當時額駙之父察輝多爾濟尚未即世部衆寔繁勢力  
正盛又以幼弟名羅布藏旺比札木薩擁為外蒙古第一世活佛舉凡喀  
爾喀諸部之政教權柄悉操於土謝圖汗之手清廷世祖欲使外蒙永奉  
正朔乃用和親之計以為羈縻蒙古政策爰將順治皇帝之第四公主許  
嫁察輝多爾濟之長子葛勒旦多爾濟焉又以公主為章皇帝之第四女  
兒故通稱之為四公主十歲惟後之編方志者竟將第一次尚主之額駙  
及第二次尚主之額駙誤成一入是豈閱者弗克辨向真康本志已辨正  
於世系沿革編因此處無詞費焉且公主薨降之時世祖業已賓天未幾

察罕亦告述世聖祖玄燁東遐世祖遺詔入嗣大統因念土謝圖汗捍衛  
藩籬之功地於察罕頌文下祭文中言及秦晉聯盟語意頗為悲切無何  
晉額駙為多羅郡王此為土謝圖汗受封王爵之始也

皇清四公主德政碑記欽維我公主四十歲 德 民深仁育物太和  
翔洽□人遊熙皐之天者三十餘年

清聖祖御賜察察罕文噶尔丹不遁日尋干戈乃去國未歸傾心內附  
朕不忍尔部眾之陷於死亡伏加撫納處之水草之地以食康牛羊降結  
婚姻示垂永好

瑞芝堂詩鈔父老相傳當前清康熙朝欽以竊屢政策使外蒙永奉正朔  
乃以某公主下嫁於土謝圖汗某王世子為和親計

佛氏先人逃聞錄公主府先人自察琿達勒計因與額魯特戰敗始向南  
來當時清朝兵力正盛聖祖仁皇帝久欲示好外蒙奏我祖人察鴻來見  
嘉賓賢未一見如故聖主隨以四妹賜嫁察鴻長子諱萬勒且多爾濟者  
為妻

七世先人年表曰第一世先人諱萬勒且多爾濟乃土謝圖汗諱察鴻達  
勒計之長子也生於清順治十四年四月尚韋皇帝第四女靜宜公主為  
妻公主酷愛歸化一帶之風景優美迺奏請朝廷欲留居此地當蒙朝廷  
俞允乃建府於歸化城北五里即今本府是也惟萬勒且天不永年歿於  
康熙三十一年溘然薨逝享年三十七歲

案民國初年陳錄所著之蒙事隨筆謂額駙所尚之公主為康熙皇帝

之第四女兒殊不知公主薨降實在康熙二十八年當時聖祖年不過三十上下而公主下嫁芳齡已臻及并可知聖祖年當十二三歲時即生公主也矣惟公主行居第四故清水河德政碑記稱之為四千歲焉而公主既行四其大二三姊當在聖祖三四歲時即出生耶以此推之四公主必非仁皇帝之女實為仁皇帝之妹章皇帝之女也陳錄所紀蓋亦荒言其事耳又據府人佛瑞佛氏先人逸聞錄及佛榮山七世先人年表二書均謂察鴻達勒計之長子葛勒旦多爾濟尚順治帝之第四女兒並未云為聖祖之女可見陳錄所言不足據也詳見本志世宗沿革編此處弗詞費焉惟考土謝圖汗歸降滿清事在與厄魯特戰敗以後當在康熙二十七年間耳葛勒旦既高公主以後四載寧月即

告薨逝公主年當青春嫠居空幃亦淒涼事也據清水河所出現之石  
刻二十四賢孝像及神誕碑語按之公主雖然寡居在府除教養子女  
輩外睦好提倡孝風欲使塞外氓民盡曉人間孝道故刻有無數石像  
懸諸各大戶家藉此喚起世道人心此外又好儲金濟貧故有刻立誕  
語碑事皆詳本志金石編註公主善書法喜讀孝經故其刻懸賢孝像  
者良有以也佛瑞逸聞錄有我族素以孝睦傳家之語概可信矣至察  
碑薨後朝廷祭文有降結婚姻一語即指四公主下嫁葛勒旦之事言  
耳惟佛崇山及佛瑞所言之祭鴻達勒計即察碑多爾濟字音之轉也

將宜公主薨降年月

四公主下嫁額駙葛勒旦多爾濟當在清康熙二十八年七月間也當時

塞外氣候正在秋爽之際山明水秀氣象萬千是故公主不願遠適外蒙  
而竟建府留居於此者殆以是乎

先人遠聞錄先祖葛勒旦嘗有大功於朝廷朝廷不忘大功乃於康熙二  
十八年庚則之月將四公主賜嫁先祖蓋於歸化城北建立府址先祖葛  
勒旦多尔濟與公主同居止焉此地枕山帶河風景極佳為先祖與公主  
所喜玩賞處址即今本府第也

案佛瑞所言四公主下嫁額駙特實在康熙二十八年庚則之月庚則  
即七月也案今公主府一帶每年以七月間之風景最佳當時公主適  
於此時蒞臨此地其不願意北去者良有故也

靜宜公主階級封號

公主府懸匾額中書大字曰靜宜堂又有懸匾曰靜定長春考歷朝公主皆有封號不僅滿清為然歷漢晉唐宋無不然也案此靜宜二字即為公主封號惟何階級則尚不可考知

七世先人年表第一世先人諱葛勒且多爾濟乃土謝圖汗諱察鴻達勒計之長子也生於清順治十四年四月高章皇帝第四女靜宜公主為妻綏遠通志稿或疑此郡府中有靜宜堂匾額師範學校今猶珍惜保存之此靜宜二字殆與公主之稱號有關歟

案前朝規定凡尚公主之額附必無前妻者始得許尚焉惟葛勒且高立時先有正妻而得多布多爾濟乃先妻所生也佛榮山謂府中所懸之靜宜堂匾以其靜宜二字即為公主封號惟郭并卿等編修綏遠通



志時尚未必定其封號蓋亦未嘗見及榮山所著之年表數顧謂師範  
學校今猶珍惜保存之語實係揣摩之言蓋當時校長為一劉姓漢人  
其於府中古物毀之殆盡既未代為保存烏可言及珍惜今此匾額雖  
仍存在實係失後復得之物固非當時學校之保存物矣至公主冊封  
儀典暨釐降儀式皆於下篇明之

### 恪靖公主

尚恪靖公主之額駙曰博多布多爾濟為察珲之孫葛勒旦先妻所生之  
長子也先是封公主為和碩恪靜公主尋晉封固倫公主公主為聖祖仁  
皇帝之第六女兒為人恭儉柔順不恃皇家之驕下嫁以後即隨額駙北  
歸外蒙土謝圖汗王府矣公主善教妯娌嫻於禮教外蒙二百餘年潛心

內附者亦此公主之間教所感嘆歎

蒙古游牧記察琿多爾濟長子葛勒旦多爾濟康熙二十五年隨父赴庫倫伯勒齊爾盟又子博多布多爾濟尚和碩恪靖公年又法四十六年上由喀喇河七巡視蒙古諸部駐蹕德爾濟庫木都和洛博多布多爾濟偕公主來迎駕幸其第又注冊文曰查爾恪靖公主乃聖主仁皇帝第六女也額勇繁徽分輝銀漢

先人逸聞錄先祖人諱博多布多爾濟為第一世額駙先祖人葛勒旦多爾濟之前子也聖康熙皇帝第六女兒先封和碩恪靖公主嗣晉固倫公主生四子公立嗣愛次子額璘沁多爾濟迨博多布覺是以額璘沁襲王爵乾隆二十五年上奉命額璘沁監護叛賊阿穆爾入京詔知額璘沁一時

祖心被給中途遁去何賊朝廷怪其大意削爵賜死本府先人失去王爵  
實自此始額驛沁既死降封根札布多尔濟圖山貝子根札布乃公主長  
子也自斯而後世世以貝子相襲弗克復王爵矣

七世先人年表曰第二世先人諱惇多布多尔濟尚格靖公主又公主品  
性溫柔能和妯娌王府上下莫不極口稱頌所生第三世先人弟兄四人  
以長子諱根札布多尔濟改襲貝子爵

案陳蘇蒙事隨筆謂外蒙土謝圖汗有曾尚康熙皇帝之第四女者意  
為第六女之誤歟據今公主府人名青格勒札布者言六公主初於下  
嫁以後先居今北府址幾年以後應隨額駙意求始與同歸外蒙即此  
已可推見公主固為溫順人也惟厥溺幼抑長實為古今婦人之通病

烏兼以次子額璘沁紉袴成性案情案理皆無襲爵可能詎以一時偏愛地不僅禍豈褫爵奪俸竟至賜死今蓋是亦公主忠厚有餘智力不及之虞也雖致於斯而尚授有貝子爵在殆亦朝廷念及公主苦心孤詣忠於家國之恩施惠顧乎

恪靖公主薨降年月

六公主於康熙三十年下嫁額駙當時翁公葛勒旦多爾濟尚未薨逝而四公主與六公主適為姊妹至親其相親愛也情意可知惟六公主下嫁之月日未可考知抑微憾也

游牧記葛勒旦多爾濟康熙二十五年隨父赴庫倫伯勒齊爾盟授札薩克二十七年來歸三十年封多羅郡王子博多布多爾濟尚和碩恪靖公

主

先人逸聞錄當時以公主排行居六故通以六公主相稱焉於康熙三十年釐降

七世先人年表六公主於下嫁之翌年即同額駙北歸庫倫居於土謝圖汗王府據族老傳言六公主釐降當在康熙三十年北歸庫倫自係三十一年也

案六公主下嫁張穆及府人二佛氏皆言時為康熙三十年自可信矣惟其月日府人亦無知者姑闕疑之以待後之方聞者証焉茲據欽定外藩蒙古回部王公表傳謂葛勒旦多爾濟於康熙三十一年卒以此一語觀之則知六公主下嫁之翌年其翁公即已薨逝矣又據榮山所

言六公主於下嫁之翌年即同額駙北歸庫倫以此度之額駙之父薨  
逝適與公主之北去同在一年之間意公主之去征當在萬勒旦新喪  
之後乎

恪靖公主階級封號

康熙三十年封六公主為恪靖公主和碩階級當時葉內頗有敬慎令譽  
雍正元年晉封固倫階級芳規稱勵柔順益彰同為三代公主中之至仁  
至德者也

游牧記喀尔喀後路中旗康熙三十年注册文曰與崇釐降帝女戒以  
欽戒詩美肅雍王姬詠其穠矣既嫺內治宜被殊榮咨尔和碩公主乃  
朕之女敬慎居心柔嘉維則母儀克奉教風稟於在宮婦德無違譽尤

彰於筮報出銀潢之貴派作配高閨備玉牒之慈親其衷宗國風古允協  
象服攸宜是罔封尔為恪靖公主錫之金冊諱以持盈益篤興門之祜貴  
而能儉永垂宜室之聲勿替令儀尚綏厚祿欽哉

又雍正元年注冊文曰鸞膏田錫恩必厚於本支象服增崇諱每殷於同  
氣載稽令典用賁殊榮咨尔恪靖公主乃聖祖仁皇帝第六女也毓秀紫  
微分輝銀潢永深宮之丕訓無怠遵循緬文史之芳規宜懷甬勉朕續承  
大寶仰體鴻慈幸宏錫類之仁特沛絲綸之命是用封尔為恪靖國倫公  
主錫之金冊諱以持盈矜勵恭敬之節貴而能儉尚昭柔順之風克樹令  
儀永膺多福欽哉

逸聞錄先祖人諱博多布多尔濟為第一世額駙先祖人萬勒旦多尔濟

之前子也娶康熙皇帝第六女兒先封和碩恪靖公主嗣升圖倫公主  
先人年表第二世先人諱博多布多爾濟高恪靖公主

葉赫山作表初以葛勒旦為第一世先人蓋以公主府之內主者當以  
葛勒旦為始故以葛勒旦居第一世意原斯乎以此順推博多布適居  
二世是故云尔據大清會典清代公主郡主皆有圖倫和碩多羅等階  
級等次不同俸祿儀式均有差別和碩大於多羅而圖倫更大於和碩  
其最低者曰圖山各級公主儀衛與式以及是置騎乘暨下嫁禮節等  
事皆明於下篇此處不復贅焉

和碩格格

清時格格為郡主之通稱滿洲語也和碩格格為睿忠親王多爾袞之五



世孫女肅恭親王之第五姑也生性和藹有淑德於雍正元年下嫁額駙根札布多爾濟根札布多爾濟為恪靖公主之長子博多布多爾濟之嫡嗣也

大清會典凡親王以下皇族之女皆稱格格親王女曰壻稱和碩格格郡王女曰縣主貝勒女曰郡君皆稱多羅格格貝子女曰縣君稱固山格格鎮國公輔國公之女曰鄉君但稱格格

清文多爾袞列傳王嗣子多爾博歸本宗恩封多羅貝勒生蘇爾發襲國山貝子生塞勤塞勤生功宜布皆襲輔國公功宜布生如松襲多羅信郡王浮類如松第三子也乾隆三十六年四月親信郡王修齡所遺奉恩輔國公四十三年五月上既追復多爾袞舊封命襲封和碩肅親

王又嘉慶五年閏四月署健銳營第十一月薨年四十上念其人品端  
方奉職勤慎輟朝三日親臨賜奠諡曰恭

年表第三世先人諱根札布多爾濟尚和碩格格為清初親王多爾袞  
之第五世孫女也

逸聞錄和碩格格好書畫性情溫和傳於雍正元年五月間下嫁先祖  
人諱根札布多爾濟者是為清宣公主第三次之釐降矣

案根札布多爾濟所尚郡主乃功宜布之五女也據清史謂自多爾  
袞奪親王爵後其功宜布僅襲輔國公爵功宜布子如松晉襲郡王  
如松子溥穎始復親王案大清會典謂親王女曰郡主稱和碩格格  
而此和碩格格既係功宜布之五女蓋為輔國公之女耳只可稱之

鄉君不能稱為郡主只可稱之格格不能寬以和碩二字顧府人竟稱  
之為和碩格格者究何故耶竊意郡主於雍正元年下嫁後即居今之  
公主府鄉當時自稱鄉君格格同屬職份然也逮至乾隆四十三年即  
然追復多尔袞之親王故爵復封淳碩襲親王爵此時郡主為淳碩之  
姪朝廷惠及遠親晉封之為和碩格格且晉為郡主職份此固順理成  
章之事似無若何疑也今之府人動以和碩格格追稱之者殆茲故歟  
以上三代公主惟四公主不知為何階級府人亦無存考知今觀四  
公主初至此地之時三建府邸三度遷徙豎碑刻石壘地闢曰權利  
高於塞外眷寵重繫廷禁又係聖祖皇妹而聖祖六女尚封固倫公  
主其於皇妹之封職似應趨而上之至低亦得平級方可且以聖祖

素睦昆季敦善姊姊當時公主下嫁本是一種和親政策其於四公主之高壽厚封固亦意中事也以此度之四公主之階級抑在固倫之列歟

考固倫國山初為清代所封公主之階級名稱皆滿洲語也固倫為郡國之義又有尊貴之意即金史所謂國論是也皇清之時惟公主始得冠以固倫之名猶宋元之稱某國公主然也至於國山二字滿洲語為人之妻稱有加於男官壽上者如國山貝子國山額真國山章京等是女子則維貝子之女兒為國山格格並於和碩二字滿洲語為旗之意也即部落之謂又為方隅之義清代親王公主皆冠以和碩二字用為美稱其名亞於固倫又稱之為和碩格格即上文振札布多爾濟所尚

之和碩格格是也多羅二字亦為滿洲語之美稱有加於爵上者如多羅郡王多羅貝勒等是女子則郡王貝勒之女稱為多羅格格

據大清會典國倫公主乘暖轎一金黃雲綺蓋紅雲綺絳紅綠蓋角金黃雲綺垂檐銀頂余制與親王同朱輪車一幃蓋檐銀頂均與暖轎同絳繡曲蓋一以絳紵絲繡寶相花余制與親王曲蓋同絳繡寶相花繖二置柄餘如曲蓋孔雀扇二高二尺四寸五分廣二尺二寸同絳羅繡孔雀合竹朱柄長九尺二寸青花扇二以皂羅繡四季花次餘制同孔雀扇迴避二黑雲綺三角熏竹竿長丈有三尺上安飾金頂垂朱鬘骨朵立瓜卧瓜吾文各二制均如親王又和碩公主無寶相花扇車轎紅綺緙金黃蓋角制與國倫公主同又郡主儀衛自儀元用皆不由部製

造又公主郡主冠頂皆三重郡主以下皆二重上用紅寶石飾以東珠  
國倫公主飾珠十和碩公主九郡主八縣主七郡君六縣君五又公主  
郡主用翟烏龍文滿翠繡縵又國倫公主視親王和碩公主郡主視世  
子宗親王飾東珠四用圓龍文四前後正龍  
左右旁龍世子飾東珠三旁龍圖文四

又理藩院於國倫公主俸千兩幣三十和碩公主俸二百兩幣十有二  
郡主俸百五十兩幣十又國倫公主養馬四十五坐馬十有五和碩公  
主養馬四十坐馬十有三郡主養馬三十五坐馬十又冊封公主冊用  
金製以內閣侍讀學士翰林院讀講學士侍讀侍講禮部郎中員外郎  
主事充正副使至日設節案於公主府聽事正中前設香案左右設冊  
案設公主儀衛於庭正副使自太和殿持節往封均如王等受封之儀

及府第公主率所屬官命婦朝服跪迎於大門內道右候過隨入及聽  
事正副使陳節冊於案退就案東立西面公主就拜位北面立樂作行  
六肅三跪三叩禮興進至香案前跪宣讀官宣冊訖正使奉冊授女官  
女官跪接以授公主祇受仍授女官公主興復位行六肅三跪三叩禮  
樂止正副使出公主跪送節如初迎儀又凡郡主縣主郡君每五年由  
部稟請冊封冊以紙製餘儀與福晉夫人受封同  
案福晉夫人受封至  
日設節冊案於三等  
殿堂設儀衛於庭正副使持節往封福晉等朝服跪迎正副使設冊節  
於案延就拜位宣冊受冊行禮畢正副使出福晉等跪送節儀並與公  
主受  
封同

又凡公主薨降之禮先期內務府行欽天監諏吉額駙素服恭設於鹿  
清門命大臣之夫婦僧老耆一人傳旨以某公主擇配某人額駙祇受

命謝恩行三跪九叩禮畢退過諫言行納采禮是日質明額駙詣午門  
恭進駝馬酒筵光祿寺其儀所司張燕設樂於保和殿暨皇太后宮屋  
時與燕之王公大臣暨侍衛咸采服入額駙之父率族人咸朝服先詣  
慈寧門外行三跪九叩禮迺詣保和殿序立升陞上各如儀皇帝龍袍  
袞服御保和殿陞座鴻臚寺贊禮如儀額駙率族人於殿外升陞上行  
三跪九叩禮引入殿各就席坐進茶訖進酒大臣恭進皇帝觴額駙父  
率族人出班跪左右北嚮行一叩禮畢復在坐賜進酒大臣酒地徧壽  
退候作樂升歌既徹燕額駙父率族人出就丹陛拜在謝燕行一跪三  
叩禮畢皇帝還宮額駙率族人詣皇太后皇太后宮門前行三跪九叩禮  
畢退是日皇后率妃嬪具吉服詣皇太后宮如常儀額駙之母率族中




諸婦咸朝服入宮門序立丹陛上皇太后言服陞座引礼女官引額駙  
母率諸婦就拜位行六肅三跪三叩禮入殿皇后以下各就席坐進茶  
訖進酒命婦奉進皇太后觴額駙母率諸婦出班跪丹陛左右北嚮行  
一叩禮畢復位坐賜進酒命婦酒地偏壽進饌作樂升歌既撤燕額駙  
母率諸婦出就丹陛拜位謝恩行二肅一跪一叩禮畢皇太后還宮皇  
后率妃嬪各還宮額駙母率諸婦詣皇后宮行六肅三跪三叩礼畢遂  
又既訖言釐降豫期所司以近支福晉夫人在氏奏請欽點一人送嫁  
以內務府官率護軍導從護送及齎送裝奩以命婦充襄事女官前一  
日額駙族人詣乾清門皇太后宮門前行謝恩禮翌日陳設奩具女官  
率女侍先詣額駙第祇候額駙具馬駝甲冑牲酒饌筵詣午門恭進如

納采儀鑿儀枝舁奩共齎奩官導行至額駙第女官率女侍鋪張是日  
公主吉服詣皇太后皇帝皇后前行禮如儀屆時欽天監以升輿吉時  
告公主迺自宮門外與女官前引後從出宮門外儀衛前列各官導護  
如儀送嫁福晉夫人乘輿隨行至門儀衛止輿入至儀門各官並立至  
聽事中降輿女官前引入室送嫁之福晉夫人隨入額駙禮賓於聽事  
女賓禮於中堂饗各執事人合盃吉時屆地設燕行合盃禮禮成眾賓  
皆退是日燕於保和殿皇太后宮如納采儀翌日公主朝服詣太后皇  
帝皇后宮行禮額駙朝服詣宮門外行禮各如儀又若公主下嫁外藩  
納采及下嫁日只進牲酒不進饌筵餘儀同

案額駙為滿洲語即古之駙馬也駙馬初為官名漢置駙馬都尉掌駙

馬謂掌副車之馬也魏晉以後尚公主者皆拜駙馬都尉世人因稱主  
婿為駙馬白居易詩有成里誇為賢駙馬之句迨至清代改稱駙馬為  
額駙其義相同惟尚國倫公主者稱為國倫額駙而和碩公主者曰和  
碩額駙名辭雖異意義則同至於福晉夫人亦為清時制度福晉滿洲  
語即正室之意親王郡王及親王世子郡王長子其正妻皆稱福晉惟  
夫人則非禮記所謂諸侯之妻亦非通典之天子三夫人乃係婦人對  
號凡執行以上者妻母封夫人蓋即官至一品二品以上之妻母也  
又案大清會典公主出行儀迥避牌業見上文引白今公主府留有規  
避牌已殘廢無柄意即根札布多爾濟所尚之恪靖公主所遺留乎詳

見本志金石編



公主府陵墓編

陵墓編

蓋人生一世善惡不同概以各人之行為所異也以至於既死以後其為善者流芳百世而為惡者則貽臭萬年彼流芳者使後人追懷景慕或經營其故壑遺墟或歌頌其陳跡乎澤眷戀之情有如不死然也惟彼貽臭者則見惡後世假美疑塚猶不能免人發掘之忿此亦未死之前所自作而既死以後所自受者耳古謂生不同而死則一者殆抑不盡然乎斯編專紀公王府先祖人之陵墓情景以為後人有所考見亦要紀也

案前人纂修方志多將陵墓列於古蹟部門而本志範圍較小編日亦少故另立專條並不附諸任何部類抑亦修志述史之簡法而易於醒

目者歟

土謝圖汗陵

陵在内蒙古土謝圖汗部庫倫城南汗山東首偏北處土拉河北岸之山谷深處並無封樹因為蒙古古風俗也陵苑近處禁止行人游牧謂係土謝圖汗察琿多爾濟之陵苑也

蒙古游牧記察琿多爾濟康熙三十八年卒注御賜祭文曰狡寇既平謂尔保有富貴逸樂以圖長久溢篤沮逝深用惆傷嗚呼矢惆方殷忽從桑榆之景飾終無背永增泉壤之光牲醴徑頒靈其啟格

葉子青草木子元諸帝陵皆在起輦谷其國制不起墳壠葬畢以萬騎蹂之使平殺駱駝于於上以千騎守之來歲春草既生則移帳散去矚望平行人莫知也欲祭時則以所殺駱駝之母為導視其躑躅悲鳴之

處則知葬所矣故易世之久子孫亦不能識也

徐蘭謁元世祖陵詩注陵無封樹獵者或踐其地輒有風雷之異詩云  
聞昔朱明修祀典曾命禮臣巡禹甸伏羲下逮宋理宗三十六陵皆祭  
徧祁連因未入提封欲齎香帛無由從埽階席屋順天府春秋遙望青  
芙蓉芙蓉青青亂雲宿中有三間老瓦屋征人遙望綠琉璃知是元家  
起輦谷

張文端公奉使日記出歸化城行九里入祁連山此山亦名祁連非甘  
伊以西之祁連也遠望石峯疊翠入其中則平阜蜿蜒相傳元世帝后  
俱潛居此山而不立陵墓

綏遠通志稿古者匈奴突厥及蒙古俗凡葬皆無封樹因游牧無定居



不欲留其蹟也是以自秦漢以來稱單于就可汗者甚多而長城以北  
迄未見一顯存之塚即鮮卑族之北魏其金陵亦僅存其名而不能確  
指其地者職是故耳

案土謝圖汗察渾多尔濟乃清章皇帝之親翁詳見本志世系沿革  
編其祭文乃係聖祖所作蓋以察琿薨於康熙年間故也據府人謂  
察琿以前凡土謝圖部各代王汗下及博多布多尔濟皆葬此陵今  
有綳楚克多尔濟一作綳楚克車林者為公主府古貝子之後裔亦  
即土謝圖汗之裔也每屆清明節及陰曆十月初一日必親往陵園  
掃祭以為慎追之意云耳惟其陵無封樹實為蒙古之古禮不足異  
焉顧其根札布多尔濟薨後葬於今府之東南四村水地始有墳堆

名其墓曰老墳。紉楚克多爾濟行輩最末與佛榮山為兄弟行。今尚  
健在外蒙王府。詳見世系沿革。編此處毋須詞贊焉。至元陵本在伊  
克昭盟。哀金忽洛而張文端公徐蘭等所言元陵在歸化城西北。祁  
連山中實誤指也。以其非闕本編庶不辨焉。

### 靜宜公主墓

靜宜公主即四公主也。墓在汗山之陽。山中鑿洞頗深。遂用銀鑲檀木  
製棺。洞頂橫有鉄杠。用鉄索懸棺。杠間其棺上不及風雨。下不涉泥土。蓋  
防多年腐朽以也。

佛瑞逸聞錄上推七世先祖。母四公主薨後。北歸庫倫。葬於汗山陽面  
山腰間。鑿洞將棺掛於洞中。下不涉泥水。

榮山年表第一二三世公主薨後棺用檀木皆以銀鑲一二世公主均  
葬外蒙庫倫城南唯第三世和碩格格葬於府之東南老墳

案四公主一生多居歸化城北今之府邸薨後葬於汗山之阿蓋觀  
佛瑞所錄公主生前並未北去據綏遠通志編言伊不願北去固所  
願也至其葬骨汗山之事抑為既薨以後扶柩北歸始葬斯乎惟其  
墓洞懸棺來往行人輒可窺見第禁遊人畫圖拍照耳至其鑿窟懸  
棺抑為古人常有之事此處無須多證焉惟其不與額駙葛勒旦多  
尔濟同葬一穴者未悉究何故也意者以為葛勒旦多尔濟早年薨  
逝又以蒙古風禮既葬以後不作封樹逮至公主逝世雖可尋覓陵  
苑之所在而終不得復其葬穴是故弗克同葬焉又有以為四公主

乃皇家枝葉不願深埋地下迺就汗巖之陽鑿山寄香以冀永存代  
馬孤邱殆亦思鄉之意云云斯語似較可信姑錄於此以備識者證  
焉

### 恪靜公主墓

恪靜公主即六公主聖主仁皇帝之第六女也公主薨降以後即居外蒙  
土謝圖部王府既薨以後亦葬於汗山陽面位在四公主墓西側相距不  
過數十武耳其棺亦用檀木製成以銀鑲表懸棺洞內其懸法與四公主  
棺同唯洞外不能窺見棺櫬

逸聞錄四公主薨後北歸庫倫葬於汗山陽面山腰間鑿洞將棺掛於  
洞中下不涉水泥迨六公主薨後亦葬於此惟墓洞在四公主墓西數

十步山間葬具儀式均同四公主

年表第一二三世公主薨後棺用檀木皆以銀鑲一二世公主均葬外  
蒙庫倫城南

案汗山在庫倫城南形如弓狀柴山言一二世公主皆葬城南者即  
指汗山而言今據府人善根爾言六公主之墓洞口甚小檀棺深寄  
洞內棺上積有銀鏤壘然弗知多少謂係聖祖皇帝出巡外蒙古  
各部行至此山痛惜公主之玉殯香銷乃塞銀於洞內以為公主陰  
間使用云爾又據土默特旗右翼四甲五十家村杜尔格台站站丁  
蒙古人名雲壽者言彼於幼時嘗往外蒙游歷既至圍圖城南有旱  
山山之向陽處有一洞洞內銀塊頗多視之可見取之不及據當地

蒙古人云當年康熙皇帝巡視北地蓄銀於此惟不知用意何在云  
云以上二說頗相近似雖屬縹渺之譚要不失野老閒話風趣祇錄  
於此以備後人參閱焉

### 老墳

老墳墓地在今公主府東南美岱爾村東五里美岱爾山彎處山如簸箕  
形詳見本志山川編墳苑二十畝有欄牆院用甃砌成牆頂上秋作馬  
脊梁形欄牆四面各十五丈今已頽圯不完南牆作門二饗堂三間門居  
饗堂之間每堂闢三室室深丈有五尺寬各丈三堂廳頂嵌瓦獸類等物  
欄牆中有摹五鍾橫排為堆成人字形最上者為根札布多爾濟及和碩  
格格之合葬墓墓高七尺紅色寶頂望之甚屬壯麗此墓脚下橫列二墓

東者為車布登多爾濟之墓西者為都多爾濟之墓車布登乃根布及和碩格格之子也都多爾濟為根札布之猶子不知何在墓皆磚頂較上墓畧小二墓脚下各立一墓為各人之子遜都布多爾濟及都多爾濟子之墓是也有守墳役人四戶每至掃祭時則由府中族長派人携祭品前往致祭祭禮甚為隆重及今未替

大清會典凡墳塋饗堂親王五間世子以下至輔國公皆三間親王世子郡王止繪五采皆覆綠琉璃瓦貝勒以下施朱不繪用甌瓦又固倫公主墳塋規制視世子郡王和碩公主視貝勒貝子縣主郡君縣君視鎮國公又親王守墓十戶郡王八戶固倫公主與郡王同貝勒貝子各六戶和碩公主郡主與貝勒同又凡墳院親王同百丈世子郡王八十

文貝勒貝子七十又鎮國輔國公六十又鎮國輔國將軍三十五又奉  
國奉恩將軍均三十又凡守塚人親五十戶世子郡王八戶貝勒貝  
子六戶鎮國輔國公四戶鎮國輔國將軍二戶又凡國倫公主墳塋規  
制視世子郡王和碩公主郡主視貝勒貝子縣主郡君縣君視鎮國公  
逸間錄和碩格格薨後即與額駙合葬於四村水地之美岱村東坎地  
以此坎為本府在內蒙之開塋之最早者故以老墳稱之又每年清明  
節七月十五十月初一十二月十五等日由族長躬往掃祭或派人致  
祭每祭備羊五頭燒紙供菓奠酒香楮備極豐盛族中各派一人隨往  
奠祭屆時或有諍脫不去者必由族長課以不敬不孝之罪此殆四公  
主崇尚孝道之遺風也又祭畢其牲羊由祭眾共食一頭四家守墓役



人分食一頭正副族長各食一頭府人分食一頭此始古人分食餒餘之道典也

案大清會典謂凡墳塋饗堂世子以下至輔國公皆三間貝勒以下門一又貝勒以下施朱不繪用甃瓦又凡國倫公主墳塋規則視世子郡王和碩公主視貝勒貝子縣主郡君縣君視鎮國公云以此觀之根札布多爾濟為土謝圖汗國山貝子爵其饗堂三間欄牆二門實依國定典章所築成非冒然也惟其各墓先用硬甃砌成長方形之平台台高二尺台上復用甃壘作圓頂形狀似饅首即所謂寶頂是也復用南紅土和以石灰將寶頂塗成紅色不畏風雨剝蝕無碑記銘文可考亦一憾事也又謂貝勒貝子守塚人六戶和碩公主

郡主視貝勒貝子今莫岱尔老墳僅有守塚人四戶其姓為李董孟  
韓原皆滿洲籍人今已入蒙古籍四姓之中以董姓戶口最旺以孟  
姓最為衰落觀此典章似為鎮國輔公之墳墓考公五府先人自額  
琳沁被奪王爵以後清廷除以貝子爵降封根札布多尔濟外並封  
根札布之次曾孫名汪慶多尔濟者為輔國公爵詳見本志世系汪  
革編或以為此墳係汪慶公爵之墓所第以無碑碣之根據故亦未  
敢必焉茲錄其疑以待後人之推證

### 新墳

墳在府東南四村水地之黑昌圖村東南三里許窰子梁巔梁由東南向  
西北行土人亦名之為南梁詳見本志山川編梁巔有天然窰子十二窰

口向上如窰子然墳居冢窰之中或謂為風水最佳之吉地也墳苑有軌  
牆饗堂制同老墳有墓二一葬威勳公德穆楚克多爾濟一葬其子那森  
多爾濟威勳公墓前豎有神道碑一碑文詳見本志金石編墓制亦同老  
墳惟較老墳略顯新鮮其名之為新墳者殆以此也

逸聞錄威勳公於薨後不葬老墳嘗有江南相地術士自京師來道術  
甚高言黑昌圖窰子梁上有天門十二若於此處營塋其後輩子孫必  
高官相繼云云爰由公之子名那森者重建新墳於此又那森多爾濟  
為余之堂兄也德公薨後由堂兄襲貝子爵堂兄薨後亦葬於新墳德  
公之脚下

案那森多爾濟為德威勳公之長子故於德公薨後由那公襲貝子

壽而邢公薨後即葬於德公脚下者良有由也逮至民國初年外蒙  
成立共和國體邢公嫡子名綏楚克多爾濟者被邀北去共贊國體  
及今未嘗南來故此新坟苑中僅葬德邢兩世貝子別無其他墓封  
至於德邢二公之生年卒日及其平生業績皆詳世系沿革編內此  
處弗詞贅焉

### 太平莊墳

墳為公主府大府之先人葬地在府東南四村水地之太平莊村西南半  
里許墳地闊約二十畝墳苑僅存土基饗堂三間餘制均與老墳同苑內  
墓堆甚多悉為土墓其數不可稽惟最上一墓為孰製利與德公墓同第  
不豎碑石傳為大府祖人倉達多爾濟之葬所也祭儀亦同老墳牲羊二

二隻守墳者為臨時僱役

送聞錄自從八戶分產自守以後各自營塋分葬大府坟在太平莊之西南距村僅半里許每祭用羊二頭祭畢以半頭賜看坟人其餘則自食之看坟人每年臨時免僱其工資由太平莊之渠頭處開支

案倉達多尔濟為根札布多尔濟及和碩格格之長子分居以後名為大府襲二等台吉其詳見於世系沿革編二等台吉位近輔國公爵大清會典謂世子以下至輔國公饗堂皆三間又貝勒以下施朱不繪用甌瓦故倉達之墓施紅寶頂且築有饗堂三間者良有據也惟其守墳役人終以台吉非正式爵位而朝廷固未明文規定則亦只可酌情僱用之焉至其祭期亦在清明節七月十五月初一及

十二月十五等三節日耳祭時由大府主事人率領本支晚輩逕往  
掃祭之具與合族之祭老墳及新墳者為別一事也

### 新莊子墳

墳在四村水地新莊子村東南半里許為公主府三府種人車登多爾濟  
之葬地首墓甄製制同倉達之墓墓下土墓壘壘悉為車登之後人墓也  
初建饗堂三間今僅存一間矣墳院寬如大府之墳院僅存頽垣掃祭亦  
分四節牲羊二隻儀同老墳

逸聞錄惟三府墳在新莊子村側又其牲羊初為兩頭今改為一頭矣  
又看坟院原有三廳今所存者僅一廳矣看坟人董姓為老坟看坟人  
董姓之同支也常年居住墳院

案德將軍為公主府分居以後第二門車布登多爾濟之後裔其老墳及新墳皆為二府祖人之葬所逮滿清末葉德公之孫綳楚克多爾濟北歸庫倫主持外蒙共和國政務時至今日未嘗南來故此新坟苑內下及那森多爾濟再無續葬者至於車登多爾濟地三府之祖先人也襲二等台吉爵其墓紅寶頂饗堂三間者以其爵近輔國公耳惟其牲羊改為一隻弗曉理由安在意者以為三府後人多居庫倫而留居此地之人口無幾因於無形之中減少祭儀云尔

美岱尔坟一

坟在府東南四村水地東西二美岱尔村之中間坟苑闊約五畝餘坟院僅留殘基苑西建饗堂一間今有守坟役人常任其中首墓甃製紅色寶

頂制與卑登墓同此五府祖人貢卜多爾濟之葬所也孰墓脚下土墓頗多乃五府後人之墓也其祭節祭儀一如前紀惟牲羊一隻守坎者亦為臨時僱役

逸聞錄五六七八府坎地皆在美岱村側五府坎園有看坎小院一所由臨時僱用之看坎人居住又牲羊一頭祭畢自食之

案公主府自分產析居以後根札布之第四子出當喇嘛未娶無嗣故其名為八府實則僅有七戶而已其散見世系編內故其坎苑純無四府之墓者良有以也惟貢卜多爾濟固亦二等台吉爵近同輔國公其饗堂一間牲羊一隻者殆亦後人所減乎

美岱爾墳二



老墳西約半里許有六府墳苑首墓紅色寶頂孰座基為六府祖人察布  
千多尔濟之葬所也孰墓以下有土墓甚多為察布千之後人墳墓坟院  
饗堂頽廢無遺其狀悉如頁卜墓制遠察布千之孫名德瑪者殘殺大府  
人名依勒更觸動府人公憤乃將六府裔人逐出府籍自此墓前蕭條無  
人埽祭之矣

逸聞錄六府坟園嘗築一院因德瑪行兇殺人族人不能容忍驅出府  
籍於是六府坟墓無人埽祭其坟院亦漸圯塌不修又原有牲羊一頭  
今已無矣

案德瑪殺人之事詳見世系沿革編此處不詞費焉嗣查德瑪之孫  
輩有名有子者出為巴依力圖之嗣孫六府裔人始復府籍乃另營

塋於府西水泉村東因名之曰新塋

美岱爾墳三

六府墳西里許有七府墳苑苑內首墓亦孰製紅色寶頂為七府主人蔡丹多爾濟之葬所也墓脚下土墓甚多為蔡丹後人之墓墓周有院院故基規制畧小於前墳東有饗堂為七八兩府所共用者祭時牲羊一隻祭畢自食之

逸聞錄餘八府墳地實居七府墳之西邊七府墳東建有看墳小院為八府與七府共有之院又每屆祭時七府與八府牲羊各一頭祭畢各自食之

案七府祖先人蔡丹多爾濟為三等台吉壽在輔國公爵以下故其

饗堂與八府共建一所其牲羊亦僅一隻而已固為階級所限然也

美岱爾墳四

七府坟之西側有八府墳苑首墓亦孰製紅色寶頂其頂座碑石今尚完  
整存在固為八府祖人察渥多爾濟之葬所墓脚下有土墓五鐘為察渥  
子孫之墓也墳院欄牆殘基猶存其制畧同七府墳院惟饗堂與七府共  
建一廳祭時牲羊一隻祭畢自食之

逸聞錄餘八府坟地實居七府坟之西邊七府坟東建有看坟小院  
為八府與七府共有之院又每屆祭時七府與八府牲羊各一頭祭  
畢各自食之

案八府祖先人名察渥多爾濟者襲三等台吉爵在輔國公下故

其饗堂墳院規制均小至其孰墓以下之五土墓當係林達多尔  
濟贊巴多尔濟及阿魯特賀泰等父子之葬所也

### 水泉墳

此墳在府西數里水泉村東側為六府之新墳也墳苑土墓居多無饗堂  
及守墳役人婦祭一如前儀

逸聞錄今府西水泉村東六府之塚為德瑪行兇以後所營闢並無塚  
院及看塚人以其後闢之故因亦名為新塚

案德瑪行兇之事業於世系編內詳細述明惟自德瑪以後六府舊  
墓無人婦祭遠至六府高輩復籍歸府地遵族人意旨移墳苑於府  
西亦名之曰新墳以為別舊墳也至其移墳原義抑以德瑪暴行兇

愚有悖先人祖訓而祖先墳苑勢不能續英德瑪之子孫行輩故於  
水泉村東另卜墳地以葬德瑪以下之裔孫因亦薄德徽貴之意藉  
儆後之不肖者也

### 女兒墳

黑呂圖村東南睿子梁南麓有土牆墳院闊約一畝有餘其牆僅存殘基  
無饗堂及守墳役人院內土墓七鍾堆跡僅辨相傳三世公主下嫁之時  
各有隨從使女此墓即彼使女之葬所也

逸聞錄據家嚴傳語睿子梁下之女兒墳原為四公主隨身了鬟死後  
之埋骨處余意以為四公主固有了鬟矣而六公主及和碩格格亦各  
有了鬟耳今故地內共有七墓似為各公主所帶之親信了鬟既死而

後共葬於此者

案當時公主下嫁之時攜帶使女必衆而以三代公主使女計之其數何止數十今塚苑內所葬者僅有七墓而已佛瑞斷定所葬者必係公主之親信了鬟其語頗相近似又有疑係威勤公之使女或有關係之女眷既死以後無適當之葬地延即瘞於新墳坡下以示死後眷寵之意二說孰是孰非並錄於此以俟後人證焉